

BESTELAKO XEDAPENAK

KULTURA ETA HIZKUNTZA POLITIKA SAILA
OGASUN ETA FINANTZA SAILA

558

18/2025 DEKRETUA, urtarrilaren 28koa, zeinaren bidez kredituak sartzten baitira Euskal Autonomia Erkidegoko Administrazioaren 2025eko aurrekontuan, irailaren 26ko 3069/1980 Errege Dekretuaren bidez Euskal Autonomia Erkidegoari eskualdatutako eginkizunei honako arlo hauetan beste batzuk gehitzearen ondorioz: fundazio eta elkarte kulturalak, liburuak eta liburutegiak, zinematografia, musika eta antzerkia, gazteria eta sustapen soziokulturala, ondare historiko-artistikoa eta kirola.

Euskadiko aurrekontu-araubidearen arloan indarrean dauden lege-xedapenen Testu Bateginaren 75. artikulua (Euskal Autonomia Erkidegoko sektore publikoko fundazio eta partzuergoei aplikatu beharreko aurrekontu-araubidea arautzen du), zeina maiatzaren 24ko 1/2011 Legegintzako Dekretuaren bidez onartu baitzen, honako hau ezartzen du: Euskal Autonomia Erkidegoak eskumen edo zerbitzu berriak eskuratzen baditu Estatutik, eskumen-aldaketaren ondorioz sortutako betebeharrak eta likidatuko diren ekonomia-eskubideak betetzeko behar diren kredituak txertatu beharko dira aurrekontu orokorretan. Halaber, Transferentzien Batzorde Mistoaren erabakia Estatuko Aldizkari Ofizialean eta Euskal Herriko Agintaritzaren Aldizkarian azken aldiz argitaratu eta hogeitun egun baliodun igaro baino lehen, Jaurlaritzak eskumen edo zerbitzu berriari dagozkion gastuen eta sarreraren egoera-orria onartuko du eskumenaren edo zerbitzuaren transferentzia gauzatu den ekonomia-ekitaldia amaitu arte gelditzen den aldirako.

2024ko abenduaren 30eko Estatuko Aldizkari Ofizialean argitaratu zen 1309/2024 Errege Dekretua, abenduaren 23koa, Euskal Autonomia Erkidegoari irailaren 26ko 3069/1980 Errege Dekretuaren bidez eskualdatu zitzaizkion eginkizunei beste batzuk gehitzen dizkiona, honako arlo hauetan: fundazio eta elkarte kulturalak, liburuak eta liburutegiak, zinematografia, musika eta antzerkia, gazteria eta sustapen soziokulturala, ondare historiko-artistikoa eta kirola; eta 2024ko abenduaren 30eko Euskal Herriko Agintaritzaren Aldizkarian argitaratu zen, bestalde, abenduaren 23ko 491/2024 Dekretua, zeinaren bidez onartzen baita Estatuaren eta Euskal Autonomia Erkidegoaren arteko Transferentzien Batzorde Mistoak arlo horri buruz 2024ko abenduaren 16an hartutako erabakia.

Hori dela eta, Jaurlaritzako lehenengo lehendakariorde eta Kultura eta Hizkuntza Politikako sailburuaren eta Ogasun eta Finantzetako sailburuaren proposamenez, eta Gobernu Kontseiluak 2025eko urtarrilaren 28an egindako bilkuran azertu eta onartu ondoren,

XEDATZEN DUT:

1. artikulua.– Kredituak txertatzea Euskal Autonomia Erkidegoko Administrazioaren 2025eko aurrekontuan.

1.– 1.903.200 euroren gastuen egoera-orria onartu da. Zenbateko hori beharrezkoa da Euskal Autonomia Erkidegoari irailaren 26ko 3069/1980 Errege Dekretuaren bidez eskualdatu zitzaizkion eginkizunei beste batzuk gehitzearen ondorioz sortutako betebeharrak betetzeko (zehazki, arlo hauetan gehitu zitzaizkion eginkizunak: fundazio eta elkarte kulturalak, liburuak eta liburutegiak, zinematografia, musika eta antzerkia, gazteria eta sustapen soziokulturala, ondare historiko-artistikoa eta kirola).

2.– Jasotako eskumen berriari dagokion sarreren egoera-orria 1.903.200 eurokoa da.

3.– Aurreko apartatuetan aipatzen diren sarreren eta gastuen egoera-orriak 2025eko urtarrilaren 1etik abenduaren 31ra arteko aldiari dagozkio. Honela xehatzen dira:

Gastuak: 4513 Programa: Kulturaren Sustapena.

Programa	Azpikontzeptua	Euroak
4513	411.00	150.000
4513	450.00	100.000
4513	450.01	50.000
4513	452.00	930.000
4513	751.00	673.200
	Guztira	1.903.200

Diru-sarrerak: 9111 programa: Foru-aldundien Ekarpinak.

Programa	Azpikontzeptua	Euroak
9111	420.00	305.273
9111	421.00	639.285
9111	422.00	958.642
	Guztira	1.903.200

2. artikulua.– Kredituak txertatzearen ondorioak.

1.– Ogasun eta Finantza Sailak aurreko artikuluan aipatu diren gastuen eta sarreren egoera-orriak integratuko ditu Euskal Autonomia Erkidegoko 2025eko aurrekontuan, dagozkion ondorio juridikoak izan ditzan, eta, bereziki, egoera-orri horien kontabilitatea, exekuzioa eta ondorengo likidazioa egoki gauza daitezzen.

2.– Urriaren 7ko 4/2021 Legearen bitartez, Euskal Autonomia Erkidegoko Aurrekontuak finantzatzeko foru-aldundiek egin beharreko ekarpinak zehazteko eta baliabideak egoki banatzeko metodologia onartu zen 2022-2026 aldirako; bada, metodologia horren 8. artikulua 1. apartatuan xedatzen denarekin bat etorriz, Kupoaren metodologiatik datozenei –aipatutako metodologiaren 2. artikuluan zehaztuak– beste kenkari gehigarri bat egingo zaie 2025eko ekitaldian, 1.903.200 eurokoa.

3.– Aurreko zenbakian adierazitako metodologiaren 8.3 artikulua xedatutakoarekin bat etorriz, eta eskualdatze berriak finantzatzeko aldera, foru-aldundiek Euskal Autonomia Erkidegoko Ogasun Nagusiari ekarpen espezifiko osagarri bat egingo diote 2025eko ekitaldian; 1.903.200 euroko ekarpena, hain zuzen ere.

4.– Gagozkion arloko eginkizunak Euskal Autonomia Erkidegoari eskualdatzen zaizkion egunetik aurrera aplikatuko dira 2. eta 3. zenbakietan adierazitako ondorioak.

3. artikulua.– Kupoan minorazio bat aldatzearen ondorioak.

1.– Apirilaren 3ko 10/2023 Legeak Euskadiko Kupoaren zehazteko metodologia onartu zuen 2022-2026 bosturterako; bada, metodologia horren 11. artikulua lehen eta bigarren apartatuen

arabera, 2025eko ekitaldiko kupo likidoaren minorazio efektiboaren ondoriozko emaitza izango da behin betiko zenbatuko dena dekretu honen aurreko artikulua 2. zenbakian aipatutako kenkari gehigarrian.

2.– Emaizta hori bera zenbatuko da, halaber, dekretu honen aurreko artikulua 3. zenbakian aipatu den ekarpen espezifiko osagarrian.

3.– Baimena ematen zaio Ogasun eta Finantza Sailari artikulua honetan ezarritakoa aplikatzearen ondorioz egin behar den aldaketa oro egiteko.

4. artikulua.– Eusko Legebiltzarrari jakinaraztea.

Ogasun eta Finantza Sailak, Eusko Jaurlaritzaren izenean, Eusko Legebiltzarreko Ekonomia, Ogasun eta Aurrekontu Batzordeari jakinaraziko dio dekretu honetan xedatutakoaren babesean egindako kreditu-kontsignazioa.

AZKEN XEDAPENA.– Indarrean jartzea.

Dekretu hau Euskal Herriko Agintaritzaren Aldizkarian argitaratu eta hurrengo egunean jarriko da indarrean, eta 2025eko urtarrilaren 1etik aurrera izango ditu ondorioak. Une horretan, hain zuzen, indarrean jarriko da dekretuan aipatzen diren eta eskualdatu diren eginkizunak gehitzea.

Vitoria-Gasteizen, 2025eko urtarrilaren 28an.

Lehendakaria,
IMANOL PRADALES GIL.

Jaurlaritzako lehenengo lehendakariorde eta Kultura eta Hizkuntza Politikako sailburua,
IBONE BENGOETXEA OTAOLEA.

Ogasun eta Finantzetako sailburua,
NOËL D'ANJOU OLAIZOLA.